



იბერიის დაქსაქსული საარჩევნო საზღვრები და საზიარო მაჟორიტარები

გიორგი ალფაიძე თერჯოლის მუნიციპალიტეტში, სოფელ გოდოგანში ცხოვრობს, თუმცა, ახალი საარჩევნო სისტემის მიხედვით მაჟორიტარ დებუტატს ქუთაისში აირჩევს. ამ სიახლის შესახებ ინფორმაციას კი ჟურნალისტებთან არც ის ფლობს და არც მისი მეზობლები.

„ნამდვილად არ ვიცი, ვის ვირჩევ, ქუთაისელების მაჟორიტარი რატომ უნდა ავირჩიოთ ჩვენ თერჯოლებმა? ქუთაისის ქუთაისისა და მისი პრობლემები აქვს, სამი თუ ოთხი სოფელი მაინც დავიწყებულია და ახლა სულ მთლად დაგვივიწყებენ. არ არის ეს კარგი სიახლე. ჩვენთვის, უბრალო ხალხისთვის ძნელად გასაგებია“ - ამბობს გიორგი.

„მაჟორიტარული ოლქები“ - ეს ამ არჩევნების ერთ-ერთი მთავარი სიახლეა,

საკონსტიტუციო სასამართლოს 28 მაისის გადაწყვეტილების თანახმად, საქართველოს პარლამენტმა უზრუნველყო ამომრჩეველთა თანაბარი მონაწილეობა საარჩევნო კოდექსში ისე, როგორც უმრავლესობა ამბობს, დაცულია ხმათა თანაბრობის პრინციპი და კონკრეტული კანონი არ უფლებდებოდა ამომრჩეველთა გაგვლენას საარჩევნო პროცესზე. პარლამენტმა საკონსტიტუციო სასამართლოს იმ მითითებით იხელმძღვანელა, სადაც წერია,

რომ მაჟორიტარული საარჩევნო ოლქების საზღვრების დადგენისას მხედველობაში უნდა იქნეს მიღებული მუნიციპალიტეტებში რეგისტრირებული ამომრჩევლების რაოდენობა, ხოლო სახელმწიფოს ძალისხმევა მიმართული უნდა იყოს, შეძლებისდაგვარად, თანაბარი საარჩევნო ოლქების ჩამოყალიბების უზრუნველყოფად „ხმათა თანაფარდობის“ ფუნდამენტალურ პრინციპში კი ამომრჩეველი ჟურნალისტებთან ვერ გაერკვია.

2016 წლის საპარლამენტო არჩევნებზე იმერეთის 12 მუნიციპალიტეტში 11 მაჟორიტარული ოლქი იქნება. ქუთაისელები სამი მაჟორიტარულ ოლქში №47, 48, 49 აირჩევენ მაჟორიტარს. 47-ე ოლქის მაჟორიტარს, ქუთაისთან ერთად, თერჯოლის მუნიციპალიტეტის სოფლები: კვახჭიანი, გოდოგანი, ნაგარევი, ჭოგნარის მოსახლეობაც გაიცემს.

გაერთიანდა ტყიბულისა და თერჯოლის მაჟორიტარული ოლქები, ამ ორ მუნიციპალიტეტს

პარლამენტში მხოლოდ ერთი წარმომადგენელი ეყოლება. ზიარი წარმომადგენელი ეყოლება ხარაგაული, ბაღდათი ზესტაფონის (ნაწილი) ამომრჩევებს, ასევე - ვანისა და ხონის მუნიციპალიტეტებსაც. სხვათა შორის, ეს ორი მუნიციპალიტეტი ერთადერთია ახალ მაჟორიტარულ ოლქებს შორის, რომლებიც გეოგრაფიულად ერთმანეთს არ ესაზღვრებიან. თითო - თითო და არაზიარი მაჟორიტარები ეყოლება სამტრედიას, წყალტუბოს, ჭიათურასა და საჩხერეს. საზღვრების დაყოფას არ ეთანხმება არც საპარლამენტო და არც არასაპარლამენტო ოპოზიცია.

გამართლებს თუ არა ახალი დაყოფა, ეს 2016 წლის მოწვევის პარლამენტში გამოჩნდება, თუმცა, ამასაც არსებითი მნიშვნელობა არა აქვს. 2020 წლის საპარლამენტო არჩევნებისას მაჟორიტარებს აღარ აირჩევენ.

ბაპა ჩინიჯიოვილი



ერთი მოსწავლე კლასში...

იმერეთში სოფლის სკოლების უმრავლესობა რამდენიმე წელიწადში შესაძლოა, მოსწავლეების გარეშე დარჩეს

თორნიკე გოტიაშვილი ტყიბულის მუნიციპალიტეტის სოფელ სოხეთის საჯარო სკოლის მეორე კლასში გადავიდა. კლასში ერთადერთი მოსწავლეა. მთელი წელი ყოველდღე ავტობუსით 20 კილომეტრამდე მანძილის გაგლა უწევდა იმის გამო, რომ სოხეთში დაწყებითი კლასი არ გაუქმებულა. დედამ ასე გადაწყვიტა, რადგან თავად ამ სკოლაში ასწავლის და ძალიან უყვარს ეს სოფელი, ეს სკოლა, ეს გარემო, იქაურთა ბავშვები...

თორნიკე წელსაც სოხეთში ივლის სკოლაში, წელსაც მარტო ივლება მერხთან და საუკუნემიღწეული დიდი ბებიის შეითხვავს: „ვინ ზის შენ გვერდით - გოგო თუ ბიჭი?“ - ალბათ, ისევე მოუწევს დედას გახედოს და ყურში უჩურჩულოს: ხომ ვერ გადაგვინე ქეთო ბებია, მარტო რომ გზივარ მერხთან... სამწუხაროდ, თორნიკეს დედას გადაწყვეტილებით სოხეთში, ასე თუ ისე, შენარჩუნებული დაწყებითი კლასი იმერეთის მუნიციპალიტეტების სოფლების დიდ ნაწილში დაიხურა.

სოფლებიდან მიგრაციის პრობლემა არამარტო ტყიბულის რაიონის ამ სოფელს აწუხებს. სოფლები იცლება თითქმის ყველა მუნიციპალიტეტში და ამის ყველაზე კარგი ინდიკატორი

სკოლებში მოსწავლეთა რაოდენობების კლებაა. საქართველოში ჩატარებული მოსახლეობის ბოლო ორი საყოველთაო აღწერის მონაცემებსაც თუ გადავხედავთ, აქაც ვნახავთ, რომ ქვეყანაში სოფლად მცხოვრებთა რიცხვი იკლებს. 2002 წელს საქართველოს მოსახლეობის 47,7%



თორნიკე და მარია

ცხოვრობდა სოფელში. 2014 წელს კი - 42,6%.

ხარაგაულის, ჭიათურის, ხონის, სამტრედიისა და ზესტაფონის სოფლების სკოლებში მოსწავლეთა კონტინენტის მიმოხილვამ ცხადყო, რომ ყველა დასახელებულ მუნიციპალიტეტში სოფლების სკოლებში მოსწავლეთა რაოდენობა ყოველ წელს მცირდება. თან, არცთუ ისე უმნიშვნელოდ.

ყოველ წელს, საშუალოდ, 100 მოსწავლე აკლდება ხარაგაულის მუნიციპალიტეტის სოფლების სკოლებს. 2011 წელს აქ 2 211 ბავშვი დადიოდა სკოლაში, 2016 წელს - 1 675.

მიგრაციის ნეგატიური შედეგი ვერ ასცდა სოფელ ბორითის საჯარო სკოლას, რომელიც ხუთი წლის წინათ მუნიციპალიტეტში ყველაზე მრავალრიცხოვანი სოფლის სკოლა იყო 202 მოსწავლით. 2016 წელს კი აქ 166 ბავშვი სწავლობდა. ხონის მუნიციპალიტეტის 21 სოფლის სკოლაში 2011-2012 სასწავლო წელს 1 855 ბავშვი მივიდა, 2015 წელს მათი რიცხვი 1 348-მდე შემცირდა.

გალაკტიონ ტაბიძის სახელობის სოფელ ივანდიის საჯარო სკოლაში 2015 წელს 141 მოსწავლე სწავლობდა, მაშინ, როცა ხუთი წლის წინათ აქ მათი რიცხვი 201 იყო.

სამტრედიის მუნიციპალიტეტის

სოფლის სკოლებში მოსწავლეთა რაოდენობა 2011-2015 წლები

წელი	სამტრედია (23 სკოლა)	ხონი (21 სკოლა)	ზესტაფონი (26 სკოლა)	ხარაგაული (24 სკოლა)	ჭიათურა (36 სკოლა)
2011	2 696	1 855		2 211	3 305
2012	2 547	1 702	3 876	1 953	3 042
2013	2 448	1 570	3 736	1 835	2 803
2014	2 353	1 428	3 380	1 722	2 619
2015	2 280	1 348	3 413	1 675	2 470

სოფლებში 23 საჯარო სკოლა ფუნქციონირებს. მათში მოსწავლეთა რაოდენობა 2012-2016 წლებში 2 896-დან 2 280-მდე შემცირდა. აქ გვხვდება სკოლები, რომლებიც მოსწავლეთა რაოდენობას ინარჩუნებენ. თუმცა ყველაზე მრავალრიცხოვან დიდი ჭიხაძის №1, ასევე, გომისა და ნაბაკეის სკოლებში მოსწავლეთა რაოდენობა მცირედით ყოველწლიურად იკლებს.

3 876-დან 3 413-მდე შემცირდა მოსწავლეთა რაოდენობა ზესტაფონის მუნიციპალიტეტის 26 სოფლის სკოლაშიც.

ყველაზე მძიმე სიტუაცია ჭიათურის მუნიციპალიტეტშია. მუნიციპალიტეტის 36 სოფელში ფუნქციონირებს საჯარო სკოლა. 2011-2012 სასწავლო წელს აქ 3 305 მოსწავლე დადიოდა, 2015-2016 სასწავლო წელს მოსწავლეთა რაოდენობა თითქმის განახევრდა და 1 829 მოსწავლემდე დავიდა.

2011 წელს ყველაზე მრავალრიცხოვანი საჯარო სკოლა ითხვისის №1 საჯარო სკოლა იყო, სადაც 273 მოსწავლე იღებდა განათლებას. 2015 სასწავლო წელს კი სკოლაში მხოლოდ 175 ბავშვი შეხვდა ახალ სასწავლო წელს. ხუთ წელიწადში სკოლაში მოსწავლეთა რაოდენობა თითქმის 100 ერთეულით შემცირდა.

სამწუხაროდ, ტყიბულის საგანმანათლებლო რესურსცენტრიდან სკოლებში მოსწავლეთა რაოდენობის შესახებ ინფორმაცია არ მოგვაწოდეს, თორემ გავიგებდით, თანაკლასელების გარეშე მოუწევდა თუ არა თორნიკეს განათლების მიღება, ცოტა ადრე რომ დაბადებულიყო.

ორი წლის შემდეგ თორნიკეს პატარა ძმა, ომარიც უნდა მიუვლეს სკოლის მერხს. რას გადაწყვეტს დედა, ატარებს ბავშვებს თითქმის 20 კილომეტრის მონორებით იმისთვის, რომ სოხეთის სკოლაში დაწყებითი კლასი არ დაიხუროს, თუ საქმეს გაიიოლებს და ბავშვებს პრესტიჟულ ქალაქის სკოლაში მიიყვანს, თავადაც არ იცის...

ირმა ბახტაშვილი factcheck.ge

PS news.ge

ISSN 1987-7056

9 771 987 705004

ინფორმირებული არჩევნისთვის 2016 წლის 8 ოქტომბერს საქართველოში საპარლამენტო არჩევნებია!

საპარლამენტო არჩევნების ისტორია საქართველოში

(მორა ნანიანი)

1995 წლის 5 ნოემბრის არჩევნებში მონაწილეობის მიღების უფლება ჰქონდათ იმ პარტიებს და პოლიტიკურ გაერთიანებებს, რომლებიც წარმოდგენდნენ 50 ათასი მხარდამჭერის ხელმოწერას ან რომელთაც პარლამენტში ჰყავდათ წარმომადგენელი კონსტიტუციის მიღების დღისთვის (24.08.1995). პროპორციული სისტემით არჩე-

ნები ერთიანი პარტიული სიით ტარდებოდა. პარტიულ სიაში შეიძლებოდა ყოფილიყო მაჟორიტარობის კანდიდატიც.

პარლამენტის შემადგენლობა 235 დეპუტატით განისაზღვრა (150 – პროპორციული, 85 – მაჟორიტარი). ბარიერი 5% იყო.

არჩევნებში მონაწილე 53 პარტიიდან ბარიერი გადალახა სამმა პარტიამ: 1) "მოქალაქეთა კავშირი" – 23.71%, 504,586 ხმა, 90 მანდატი; 2) "ეროვნულ-დემოკრატიული პარტია" – 7.96%, 169,218 ხმა, 31 მანდატი; 3) "აღორძინების კავშირი" – 6.8%, 145,626 ხმა, 25 მანდატი.

1995 წელი
რტიამ: 1) "მოქალაქეთა კავშირი" – 23.71%, 504,586 ხმა, 90 მანდატი; 2) "ეროვნულ-დემოკრატიული პარტია" – 7.96%, 169,218 ხმა, 31 მანდატი; 3) "აღორძინების კავშირი" – 6.8%, 145,626 ხმა, 25 მანდატი.

მაჟორიტარული ოლქებიდან მხოლოდ 32 ოლქში გამოვლინდა გამარჯვებული პირველ წრეში. დანარჩენ 42 ოლქში (მათ შორის, თბი-

ლისშიც) მეორე ტური გაიმართა. "მოქალაქეთა კავშირმა" 18 მანდატი მიიღო, "აღორძინების კავშირმა" – 6; "ეროვნულ-დემოკრატიულმა პარტიამ" – 3. დამოუკიდებელმა კანდიდატებმა 29 მანდატი აიღეს, ხოლო დარჩენილი 29 მანდატი სხვადასხვა პოლიტიკური პარტიების წარმომადგენლებმა გაინაწილეს.

ამ არჩევნებზე ამომრჩეველთა საერთო რაოდენობამ 3 121 075 შეადგინა, არჩევნებში მონაწილეობა კი 2, 127 946 ამომრჩეველმა მიიღო. რაც შეეხება აფხაზეთს, იქ სეპარატისტული რეჟიმის გამო, არ ჩატარდა არჩევნები და ამიტომ, აფხაზეთის დეპუტატის უფლებამოსილება გაუგრძელდა (12 დეპუტატი).

1999 წლის 31 ოქტომბრის არჩევნები წინა საპარლამენტო არჩევნების პრინციპით ჩატარდა. განმეორდა აფხაზეთის შემთხვევაც. ამ არჩევნებში მონაწილეობა 45-მა პარტიამ მიიღო.

7%-იანი ბარიერის გადალახვა ისევ 3-მა პარტიამ შეძლო: 1) "მოქალაქეთა კავშირი" – 42.07%, 894 850 ხმა, 85 მანდატი; 2) ბლოკი "საქართველოს აღორძინება" – 25.41%, 540 389 ხმა, 51 ადგილი; 3) ბლოკი "მრეწველობა

1999 წელი
გადაარჩენს საქართველოს" – 7.13%, 151 685, 14 მანდატი.

მაჟორიტარული წესით კი შემდეგმა პარტიებმა მოიპოვეს მანდატები: "მოქალაქეთა კავშირი" – 46 მანდატი; ბლოკი "საქართველოს აღორძინება" – 7 მანდატი; ბლოკი "მრეწველობა გადაარჩენს საქართველოს" – 1 მანდატი; "საქართველოს ლეიბორისტული პარტია" – 2 მანდატი; დამოუკიდებელმა კანდიდატებმა 17 მანდატი მიიღეს.

ნება" – 7 მანდატი; ბლოკი "მრეწველობა გადაარჩენს საქართველოს" – 1 მანდატი; "საქართველოს ლეიბორისტული პარტია" – 2 მანდატი; დამოუკიდებელმა კანდიდატებმა 17 მანდატი მიიღეს.

არჩევნებში მონაწილეობა მიიღო 2, 133 878 ამომრჩეველმა. 1999 წლის 7 და 14 ნოემბერს ჩატარდა არჩევნების მეორე ტური და მაჟორიტარული სისტემით არჩეული იქნა 22 დეპუტატი.

2003 წლის 2 ნოემბრის არჩევნები უპრეცედენტო იყო საქართველოს ისტორიაში – რადგან ეს არჩევნები გაუქმებულად გამოცხადდა, ის წინა არჩევნების პრინციპით ჩატარდა. არჩევნებში მონაწილეობა 18 პარტიამ და ბლოკმა მიიღო.

6) ბლოკი "ახალი მემარჯვენეები" – 7.35%, 140 259, 12 მანდატი. მაჟორიტარები: 1) ბლოკი "ახალი საქართველოსთვის" – 19 მანდატი; 2) ბლოკი "საკავშირე-ნაციონალური მოძრაობა" – 10; 3) "დემოკრატიული აღორძინების კავშირი" – 6; 4) ბლოკი "ბურჯანაძე-დემოკრატიები" – 4; 5) ბლოკი "ახალი მემარჯვენეები" – 4; 6) "ლეიბორისტული პარტია" – 3; 7) ბლოკი "მრეწველობა გადაარჩენს საქართველოს" – 4; 8) "ნაციონალური მოძრაობა – დემოკრატიები" – 1; 9) დამოუკიდებელი კანდიდატები – 21 მანდატი. მხოლოდ სამ მაჟორიტარულ ოლქში გაუქმდა არჩევნების შედეგები (#63 – აბაშა, #56 – ჭიათურა, #23 – ბოლნისი).

2003-2004 წლები

215 ამომრჩეველმა მიიღო.

არჩათვლილი არჩევნების მაგივრად, ხელახალი საპარლამენტო არჩევნები ჩატარდა 2004 წლის 28 მარტს.

ცოტა ხნით ადრე, საპრეზიდენტო არჩევნებში უდიდესი უპირატესობით გაიმარჯვა მიხეილ სააკაშვილმა.

ხელახალი არჩევნები მხოლოდ პროპორციული საარჩევნო სისტემით ჩატარდა. გადასალახი ბარიერი 7% იყო. 17 პარტიიდან მანდატები მხოლოდ ორმა პარტიამ მოიპოვა – "ნაციონალური მოძრაობა – დემოკრატიები" მიიღეს ხმების 66.24% და მოიპოვეს 135 მანდატი, ხოლო "მემარჯვენე ოპოზიციამ – მრეწველები, ახლები" – 7.56% 15 მანდატი.



არჩეული, რომ საქართველოს მოქალაქეთა შესახებ მონაცემთა სრულყოფილი ბაზის არარსებობამ, ცენტრალური საარჩევნო კომისია იძულებული გახდა, მოქალაქეთა წინასწარი რეგისტრაციისთვის მიემართა.

ამომრჩეველთა რაოდენობა იყო 2 343 087; არჩევნებში მონაწილეობა მიიღო 1 498 012 ამომრჩეველმა.

2008 წლის 5 იანვრის რიგგარეშე საპრეზიდენტო არჩევნებიდან 5 თვეში, 21 მაისს გაიმართა საპარლამენტო არჩევნები, რომლის ჩატარების წესი შეიცვალა; ასევე, 150-მდე შემცირდა დეპუტატთა რაოდენობა, რომელთაც შერეული საარჩევნო სისტემით ირჩევდნენ (75 – მაჟორიტარი, 75 – პროპორციული

სიით, 2008 წლის მარტში შეტანილი ცვლილებებით). ასევე, დაინიშნა საარჩევნო ბარიერი და 5% გახდა. ამასთან, მაჟორიტარულ არჩევნებში გამარჯვებისთვის საჭირო გახდა სულ მცირე, ხმათა 30% აღება. თუ არ იქნებოდა ასეთი კანდიდატი, ორი კვირის ვადაში ინიშნებოდა მე-2 ტური. ასევე, პარტიის მხარ-

2008 წელი

რდამჭერ ხელმომხრეთა აუცილებელმა რაოდენობამ 50 000-დან 30 000-მდე ჩამოინია.

არჩევნებში მონაწილეობა 12-მა პარტიამ მიიღო. ბარიერი გადალახა: 1) "ერთიანი ნაციონალური მოძრაობა – გამარჯვებული საქართველოსთვის" – 59.18%, 48 მანდატს დაემატა მაჟორიტარული წესით მოპოვე-

ბული 71 მანდატი; 2) გაერთიანებული ოპოზიციის – 17.73%, 6 მანდატს დაემატა 2 მაჟორიტარი. 3) გიორგი თარგამაძე – ქრისტიან-დემოკრატები – 8.66%, 6 მანდატი; 4) შალვა ნათელაშვილი-ლეიბორისტული პარტია – 7.44%, 6 მანდატი. ასევე, 2 მაჟორიტარი გაიყვანა "რესპუბლიკურმა პარტიამ".

ეს არჩევნები იმითაც იყო გამორჩეული, რომ დაფიქსირდა დამკვირვებელთა ყველაზე დიდი რაოდენობა – 1,848 საერთაშორისო და 13,195 ადგილობრივი ორგანიზაცია. არჩევნებზე ამომრჩეველთა საერთო რაოდენობამ 3 465 736 ამომრჩეველი შეადგინა. მათგან არჩევნებზე მივიდა 1 850 407 ამომრჩეველი.

საქართველოს მე-8 მოწვევის პარლამენტის არჩევა 2012 წლის

1 ოქტომბერს მოხდა. ეს იყო პირველი არჩევნები დამოუკიდებელი

2012 წელი

საქართველოს ისტორიაში, რომელშიც მმართველი პარტია დამარცხდა.

არჩევნებში მონაწილეობა მიიღო 2 215 661 ამომრჩეველმა. 5%-იანი ბარიერის გადალახვა მხოლოდ ორმა საარჩევნო სუბიექტმა შეძლო: კოალიცია "ქართულმა ოცნებამ" პარტიული სიით 44 მანდატი მიიღო, დააგროვა რა ხმების 54.07%.

კოალიციამ, ასევე, მიიღო 41 მაჟორიტარული მანდატი, მოიგო რა ყველა ოლქი თბილისში, გურიაში, მცხეთა-მთიანეთში და ში-

და ქართლში; ასევე, მოიგო კახეთის და იმერეთის ოლქების უმრავლესობა. მეორე ადგილზე გავიდა "ერთიანი ნაციონალური მოძრაობა", რომელმაც 33 მანდატი მოიპოვა პროპორციული წესით, ხოლო მაჟორიტარული წესით – 32. მართალია, "ქართულმა ოცნებამ" გაიმარჯვა ამ არჩევნებში, შეძლო მთავრობის ფორმირება, მაგრამ 85 მანდატი საკმარისი არ აღმოჩნდა კონსტიტუციური ცვლილებებისთვის. ახლადარჩეულმა პარლამენტმა ქუთაისში დაიწყო ფუნქციონირება.

შემდეგი და ძალიან მნიშვნელოვანი, საინტერესო არჩევნები 2016 წლის 8 ოქტომბერს შეემატება ამ სიას. იმედია, იგი სამართლიანად, მშვიდ გარემოში ჩაივლის და განსაკუთრებულად დასამახსოვრებელი მხოლოდ არჩევნებზე მიმსვლელთა რაოდენობით გახდება.

მომზადდა მამუკა მამალაძემ

წყაროები: www.cesko.ge; election-choice.blogspot.com; ka.wikipedia.org; data.electionportal.ge



კონსულტაციის მისაღებად ან ქვითან დასაყვამისთვის დაევიწყეთ ცხელ ხაზზე: 595 555 907.
ჯაყისის უნივერსიტეტი ცენტრი: საქართველოს პარლამენტის ცენტრი



კავკასიის უნივერსიტეტი ცენტრისა და საქართველოს მედიამონიტორინგის ცენტრის ერთობლივი პროექტი
"ინფორმირებული არჩევნისთვის" – საინფორმაციო კამპანია ყველა რეგიონისთვის"
ხორციელდება საარჩევნო სისტემების განვითარების, რეფორმებისა და სწავლების ცენტრის ფინანსური მხარდაჭერით.



ინფორმირებული არჩევნისთვის 2016 წლის 8 ოქტომბერს საქართველოში საპარლამენტო არჩევნებია!

წინასაარჩევნო პერიოდში დადგენილი საუბრალო სტანდარტები

წინასაარჩევნო

კამპანიის/ამბიტიციის წესები

წინასაარჩევნო კამპანია არის საარჩევნო სუბიექტის/საარჩევნო სუბიექტობის კანდიდატის მიერ არჩევნებში მონაწილეობისა და გამარჯვების მიზნით ჩატარებულ ღონისძიებათა ერთობლიობა. წინასაარჩევნო კამპანიის ერთ-ერთი მნიშვნელოვანი კომპონენტია წინასაარჩევნო აგიტაცია.

წინასაარჩევნო აგიტაცია არის ამომრჩეველთა მონაწილეობის საარჩევნო სუბიექტის/საარჩევნო სუბიექტობის კანდიდატის მხარდასაჭერად ან სანინალმდევოდ, აგრეთვე ნებისმიერი საჯარო მოქმედება, რომელიც ხელს უწყობს ან ხელს უშლის მის არჩევას, ან/და რომელიც შეიცავს წინასაარჩევნო კამპანიის ნიშნებს, მათ შორის, წინასაარჩევნო ღონისძიების ორგანიზებაში/ჩატარებაში მონაწილეობა, საარჩევნო მასალების შენახვა ან გავრცელება, მხარდაჭერა სივრცეებზე მუშაობა, პოლიტიკური პარტიების წარმომადგენლობებში ყოფნა.

წინასაარჩევნო პერიოდში პოლიტიკური პარტიები და საარჩევნო სუბიექტობის კანდიდატები სარგებლობენ თანასწორი უფლებებით და აკისრიათ თანაბარი ვალდებულებები, რომლის წესები განსაზღვრულია საარჩევნო კოდექსით.

პოლიტიკური პარტიები

პოლიტიკური პარტიები საარჩევნო კოდექსით დადგენილი აქვთ უფლებები და მოვალეობები, რომლებიც დროის მკაცრად ლიმიტირებულ პერიოდში უნდა შესრულდეს. მაგალითად, შესაბამისი უფლებების მქონე საარჩევნო სუბიექტებმა (ცესკოს უნდა წარუდგინონ საოლქო საარჩევნო კომისიის წევრთა კანდიდატურები. ამასთანავე, პარტიებმა განსაზღვრულ ვადებში უნდა მიმართონ ცესკოს რეგისტრაციაში გატარების მოთხოვნით, წარუდგინონ პარტიული სია, დანიშნონ წარმომადგენლები შესაბამის საარჩევნო ადმინისტრაციაში და სხვა.

საარჩევნო სუბიექტების (პარტიების და დამოუკიდებელი დეპუტატობის) ერთ-ერთ უმნიშვნელოვანეს ვალდებულებას წარმოადგენს ფინანსური ანგარიშგება სახელმწიფო აუდიტის სამსახურში. კერძოდ, პოლიტიკური სუბიექტები ვალდებული არიან საარჩევნო სუბიექტად რეგისტრაციიდან 5 დღის განმავლობაში შექმნან საარჩევნო კამპანიის ფონდი და მიანოდონ ანგარიშის რეკვიზიტები აუდიტის სამსახურს. საარჩევნო პერიოდში პოლიტიკური პარტიებს ასევე ევალებათ 3 კვირაში ერთხელ კამპანიის ფინანსური ანგარიშში წარუდგინონ აუდიტის სამსახურს.

საარჩევნო ადმინისტრაცია

წინასაარჩევნო კამპანიის მიმდინარეობის ზედამხედველობას ძირითადად საარჩევნო ადმინისტრაცია ახორციელებს. არჩევნების ჩატარება უკავშირდება საარჩევნო კოდექსით დადგენილ სპეციალურ ვადებს, რასაც ცესკო საარჩევნო კოდექსის შესაბამისად, საარჩევნო ღონისძიებათა გრაფიკით განსაზღვრავს. ცესკოს მიერ შედგენილი

გრაფიკის შესაბამისად უნდა იმოქმედონ საოლქო საარჩევნო კომისიებმა, პოლიტიკურმა პარტიებმა, კანდიდატებმა, სადამკვირვებლო ორგანიზაციებმა, მედია, ადგილობრივმა თვითმმართველობებმა და საარჩევნო პროცესში ჩართულმა აქტორებმა.

ამ თვალსაზრისით, მნიშვნელოვანია საოლქო და საუბნო საარჩევნო კომისიების და კომპლექტება, პარტიებისა და კანდიდატების რეგისტრაცია, მედიის, ადგილობრივი და საერთაშორისო წარმომადგენლების აკრედიტაცია, ამომრჩეველთა რაოდენობის გამოკვეყნება და სხვა.

ადგილობრივი თვითმმართველობა

საარჩევნო პერიოდში ადგილობრივ თვითმმართველობებს ძირითადად საარჩევნო სუბიექტებისთვის თანაბარი გარემოს ხელშეწყობა, საოლქო და საუბნო საარჩევნო კომისიების გამართულად მუშაობის უზრუნველყოფა ევალებათ. ადგილობრივმა თვითმმართველობებმა უნდა გამოყოფონ ადგილები საარჩევნო სუბიექტებისთვის სააგიტაციო მასალის განთავსებისთვის, ასევე, შენობები სააგიტაციო შეხვედრებისთვის. დადგენილ ვადაში უნდა გამოაქვეყნონ იმ შენობების და ადგილების ჩამონათვალი, სადაც სააგიტაციო მასალის განთავსება აკრძალულია და ასევე, ადგილები, სადაც ასეთი მასალის განთავსება შეიძლება.

მედია

მედიის მიერ წინასაარჩევნო პროცესების გაშუქების რეგულირება მეტად კომპლექსური საკითხია. ერთის მხრივ საზოგადოებრივ-პოლიტიკური პროგრამების დაბალანსება, ხოლო მეორეს მხრივ პოლიტიკური რეკლამის განთავსება მკაცრად რეგულირდება საქართველოს კანონმდებლობით. საარჩევნო კოდექსით დადგენილია, რომ წინასაარჩევნო კამპანიის მიმდინარეობისას საზოგადოებრივ-პოლიტიკური პროგრამების გადაცემებისა და არჩევნების გაშუქების დროს მაუწყებელმა უნდა დაიცვას მიუკერძოებლობისა და სამართლიანობის პრინციპი.

საერთო მაუწყებელმა, რომელიც გადაწყვეტს, წინასაარჩევნო კამპანია საკუთარ ეთერში გააშუქოს, წინასაარჩევნო დებატები უნდა გადასცეს არადისკრიმინაციულად და ყველა კვალიფიციური საარჩევნო სუბიექტის მონაწილეობით, თავისი მომსახურების ზონაში მიმდინარე წინასაარჩევნო კამპანიის დროს.

კანონი, ასევე, განსაზღვრავს ფასიანი და უფასო პოლიტიკური რეკლამის განთავსების წესს. პოლიტიკური რეკლამის გამოკვეყნებისას კადრის კუთხეში უნდა იყოს წარწერა „ფასიანი პოლიტიკური რეკლამა“, ან „უფასო პოლიტიკური რეკლამა“; აკრძალულია კენჭისყრამდე 48 საათის განმავლობაში და კენჭისყრის დღის 20 საათამდე არჩევნებთან დაკავშირებული საზოგადოებრივი აზრის გამოკითხვის შედეგების გამოკვეყნება, გარდა არჩევნების შესაძლო მონაწილეთა და კენჭისყრის დღეს არჩევნების მონაწილე-

თა რაოდენობისა.

ადმინისტრაციული რესურსის გამოყენების აკრძალვა

საარჩევნო კოდექსით მკაცრად არის რეგულირებული იმ დაწესებულებათა ჩამონათვალი, სადაც აკრძალულია წინასაარჩევნო კამპანიის/აგიტაციაში მონაწილეობა ეკრძალებათ.

- ეს ადგილებია:
 - საქართველოს აღმასრულებელი ხელისუფლების დაწესებულებები;
 - სასამართლოები;
 - სამხედრო ნაწილები.

საარჩევნო კოდექსი განსაზღვრავს იმ პირთა წრეს, ვისაც წინასაარჩევნო კამპანიაში/აგიტაციაში მონაწილეობა ეკრძალებათ.

- ესენია:
 - საარჩევნო კომისიის წევრი;
 - მოსამართლე;
 - საქართველოს პროკურატურის, საქართველოს შინაგან საქმეთა და თავდაცვის სამინისტროების, საქართველოს სახელმწიფო უსაფრთხოებისა და დაზვერვის სამსახურებისა და სახელმწიფო დაცვის სპეციალური სამსახურის საჯარო მოხელეები;
 - გენერალური აუდიტორი;
 - საქართველოს სახალხო დამცველი;
 - უცხო ქვეყნის მოქალაქე და ორგანიზაცია;
 - საქველმოქმედო და რელიგიური ორგანიზაციები;
 - სახელმწიფო ხელისუფლებისა და ადგილობრივი თვითმმართველობის ორგანოების საჯარო მოხელეები _ სამუშაო საათების განმავლობაში ან/და როდესაც ისინი უშუალოდ ასრულებენ სამსახურებრივ ფუნქციებს;
 - საქართველოს კომუნიკაციების ეროვნული კომისიისა და საქართველოს ენერჯეტიკისა და წყალმომარაგების მარეგულირებელი ეროვნული კომისიის წევრები.

წინასაარჩევნო პერიოდში თანამდებობის პირებს ეკრძალებათ:

- სამსახურებრივად დაქვემდებარებული ან სხვაგვარად დამოკიდებული პირის ჩაბმა ისეთ საქმიანობაში, რომელიც ხელს უწყობს კანდიდატის წარდგენას, ასევე, არჩევას;
- სახელმწიფო ხელისუფლების ან ადგილობრივი თვითმმართველობის ორგანოს მიერ დაფინანსებული სამსახურებრივი მივლინების დროს ხელმოწერების შეგროვება და წინასაარჩევნო აგიტაციის განევა;
- წინასაარჩევნო აგიტაციის განევა სამუშაო საათების განმავლობაში ან/და სამსახურებრივი ფუნქციების შესრულებისას.

წინასაარჩევნო კამპანიაში მონაწილეობა არ ეზღუდებათ: საქართველოს პრეზიდენტს, საქართველოს პარლამენტის წევრებს, საქართველოს პრემიერ-მინისტრს, საქართველოს მთავრობის სხვა წევრებს და მათ მოადგილეებს, აფხაზეთისა და აჭარის ავტონომიური რესპუბლიკების უმაღლესი წარმომადგენლობითი ორგანოების წე-



ვრებს, აფხაზეთისა და აჭარის ავტონომიური რესპუბლიკების მთავრობათა ხელმძღვანელებს, აგრეთვე, საკრებულოს წევრებს, გამგებლებსა და მერებს, სახელმწიფო რწმუნებულს - გუბერნატორს.

- ყველა საარჩევნო სუბიექტისთვის უზრუნველყოფილი უნდა იყოს სახელმწიფო საკუთრებაში არსებული შენობა-ნაგებობების თანაბარი ხელმისაწვდომობა;
- იკრძალება სახელმწიფო ხელისუფლების დაწესებულებებისთვის ან ადგილობრივი თვითმმართველობის ორგანოებისთვის განკუთვნილი საკომუნიკაციო საშუალებების, საინფორმაციო მომსახურებისა და სხვადასხვა სახის ტექნიკის გამოყენება წინასაარჩევნო მიზნებისთვის;
- იკრძალება სახელმწიფო ხელისუფლების ან ადგილობრივი თვითმმართველობის ორგანოების საკუთრებაში არსებული სატრანსპორტო საშუალებების გამოყენება. აღნიშნული შეზღუდვა არ ვრცელდება სახელმწიფო-პოლიტიკური თანამდებობის პირების მიერ მათი სამსახურებრივი ავტომანქანების გამოყენების შემთხვევაზე, რომელთა დაცვას კანონით დადგენილი წესით უზრუნველყოფს სახელმწიფო დაცვის სპეციალური სამსახური;
- აკრძალულია საქართველოს სახელმწიფო ბიუჯეტის/ადგილობრივი თვითმმართველი ერთეულის ბიუჯეტის დაფინანსებით ორგანიზებულ ღონისძიებაზე/პრეზენტაციაზე ორგანიზატორის მიერ წინასაარჩევნო აგიტაციის განევა.
- აკრძალულია საქართველოს სახელმწიფო ბიუჯეტის, ასევე ადგილობრივი თვითმმართველი ერთეულის ბიუჯეტის სახსრებით ისეთი სააგიტაციო მასალის, ვიდეო ან აუდიომასა-

ლის დამზადება, ვებგვერდის შექმნა, სადაც ასახულია ესა თუ ის საარჩევნო სუბიექტი/პოლიტიკური პარტია ან მისი არჩევნებში მონაწილეობის რიგითი ნომერი ასევე, რომელიც შეიცავს ამა თუ იმ საარჩევნო სუბიექტის/პოლიტიკური პარტიის მხარდასაჭერ/სანინალმდევო ინფორმაციას.

• აკრძალულია საქართველოს სახელმწიფო ბიუჯეტის და ადგილობრივი თვითმმართველი ერთეულის ბიუჯეტის სახსრებით დამზადებულ სოციალურ რეკლამაში საარჩევნო სუბიექტის/პოლიტიკური პარტიის ან მისი რიგითი ნომრის გამოყენება.

ზემოაღნიშნული წესების დარღვევა წარმოადგენს ადმინისტრაციულ რესურსის გამოყენებას და იწვევს დამრღვევი პირის დაჯარიმებას 2000 ლარის ოდენობით.

ამომრჩევლის მოსყიდვა

არჩევნების საბოლოო შედეგების გამოკვეყნებამდე პარტიებს, კანდიდატებსა და მათ წარმომადგენლებს ეკრძალებათ პირადად, ან ვინმეს მეშვეობით საქართველოს მოქალაქეებისთვის მატერიალურ ფასულობათა გადაცემა, გარდა სააგიტაციო მასალის დარიგებისა. ასევე, აკრძალულია ფულის, ან სხვა მატერიალური ფასულობის გადაცემის დაპირება.

პარტიას, ბლოკს, კანდიდატს, რომელიც უშუალოდ ან თავისი წარმომადგენლის ან მის სასარგებლოდ მოქმედი ნებისმიერი სხვა ფიზიკური თუ იურიდიული პირის მეშვეობით ეწეოდა ზემოაღნიშნულ აკრძალულ საქმიანობას, სამართლის გადაწყვეტილებით უუქმდება რეგისტრაცია ასეთი ფაქტების დადასტურების შემთხვევაში.

წყარო: <http://www.isfed.ge>

კონსულტაციის მისაღებად ან ქუთაისში დასაყვანილობად
დაეკავშირეთ ცხელ ხაზზე: 595 555 907.
ყაჯარის ვაჭარაისკოთა ქუჩაზე:
საქართველოს შიდაპროცესების ცენტრი




კავკასიის შურნალისტთა ცენტრისა და საქართველოს მედიაინფორმაციის ცენტრის ერთობლივი პროექტი
"ინფორმირებული არჩევნისთვის _ საინფორმაციო კამპანია ყველა რეგიონისთვის"
ხორციელდება საარჩევნო სისტემების განვითარების, რეფორმებისა და სწავლების ცენტრის
ფინანსური მხარდაჭერით.





შენი არჩევანის უზრუნველყოფა!

არჩევნები 2016




ცესკო

საქართველოს
საარჩევნო
ადმინისტრაცია

P.S.

მთავარი რედაქტორი: ნატო გუბელაძე

დიზაინი: ირმა ბახუტაშვილი

გაზეთი ხელმძღვანელობს თავისუფალი პრესის პრინციპებით. არ გამოხატავს არცერთი პოლიტიკური პარტიის ინტერესებს. ავტორთა მოსაზრება შეიძლება, არ ემთხვეოდეს რედაქციისას.  — ნიშნით აღნიშნულია სტატია, რომელიც განთავსებულია სარეკლამო ფართზე

გამომცემელი — შპს „**PS**“ („პოსტსკრიპტუმი“). ქუთაისის სასამართლოს რეგისტრაცია №5/ბ-1401 გაზეთ „**PS**“-ის კლასიფიკაციის კოდი: **UDC (უაგ) 3+32] (479.22) (054) ბ - 658 P - 86**

მისამართი: ქუთაისი, რუსთაველის გამზირი №37. პრესის სახლი. • (032) 2 422 470, (0 431) 24-45-46. • psnews27@gmail.com • www.psnews.ge